

國家圖書館分館編

清代孤本方志選

(第一輯第二十九冊) 福建

光澤縣志〔康熙〕八卷附一卷

續纂光澤縣志〔康熙〕九卷

康熙三十二年增修

光澤縣志

本衙藏板

日本經濟叢書

武部組立

永田三十三郎著

序

聖天子以三孽削平萬方歸命慨然
有綱紀全代及周知海內外人心
風俗之思爰咨廷臣纂脩會典
勅十五道節度圖所屬州州縣縣之
志以獻閩節度使金公下其事

於學使者轉行諸郡令各遴所屬
才學優長二司鐸赴會城團局秉
筆余承乏邵郡光澤諭 郡伯張
公不知余本原淺薄首采下體命
余執一筆以往余適遇風寒中經
絡有性命憂命與機會違殆與昔

年舉博學宏詞之役等廼備由牒
縣具文代辭御伯不允徵書四五
下余不得已伏枕勉書陳情懇且
驚乃免時身不克坐目不克覩光
志纂脩固不能從諸生之請冬之
孟病頗有起色諸生奉邑侯金

君命以志成請序余展而視之條
目粲然大體畢立噫以光邑載籍
殘闕久何掌故之遽有成書非
賢邑侯金先生力不及此金先生
當耿逆銜璧之際蒞任餘黨陳江
等逃命杭川相繼跳梁釜中乞湏

史金君卧不安席勞其身焦其
慮思翦此朝食羽書星馳請吳佟
二上臺撫陳龍於前請尙將軍撫
江姬楊一豹於後攻心攻形運籌
百出是金君能以武勘光邑之
亂矣從此數年休養固賢父母所

長但變亂以來城居者無寇不至
無家不掠鄉居者覆及其巢火及
其書一旦欲取百年來邑乘一如
楚机之法戒豈可驟得 金公乃
以俄頃之功搜文獻於巾箱焚劫
之餘是 金君能以文潤光邑之

治矣况遇干戈擾攘卽如明倫屯
兵大成繫馬啓殿之磚換泗龍
門之版竄魚薪木毀傷十年來難
問矣是皆賴我金公時時設法
以修葺之則風俗人心之地本於
學宮志中固得以大書特書雖然

志也者僅志一邑之風物乎抑志
一邑之人物乎人物旣往當求遺
言遺言在則邑多典型多典型則
士行愈篤余見志中所列李氏郁
著書有易傳有參同契有論孟遺
書李氏方子著書有禹貢解有傳

道精語李氏呂及其子閔祖著書
有周易議說有師友問答李氏應
龍著書有春秋纂例有孝經集註
有四書講義諸君又各有專集今
欲窺一殘編斷簡亦不可得則購
求遺書興起教化是所望於斧柯

在手者不淺若徒紀流峙瓌奇之
勝槩與寫景物可喜可愕之不可
名狀恐非

聖天子周知海內外人心風俗之意
矣

出

康熙二十有二年歲在癸亥孟冬
望後知縣改授光澤縣儒學教
諭金谿張霍撰於學舍



編金溪通志對分學舍

聖後映輝對對光緒縣學修

東照二十休二半燕五矣亥孟冬

重刻光澤縣志序

邑之有志猶國之有史家
之有譜所以紀言紀事重
本篤親而政教軌範治化
所資不可一日闕焉者也
蓋地方城郭疆理之雄山